



# Mahasiswa corak imej masyarakat

Jika kita ingin melihat bentuk negara pada masa depan, lihatlah generasi belia pada hari ini. Itu antara ungkapan sarjana Islam ter-sohor dalam buku *Pemuda Islam yang Dijanjikan*, sewajarnya menjadi titik tolak kepada mahasiswa Muslim mendambakan kejayaan dunia dan akhirat.

Sejujurnya, mahasiswa yang berpandangan ke depan akan bertanya, apakah peranan mereka dalam membentuk masyarakat dan negara yang berdaya saing? Apakah mereka hanya sekadar ke universiti untuk mendapatkan pekerjaan tanpa mampu berbakti kepada masyarakat mahupun negara?

Persoalan sebegini seakan-akan tiada jawapan yang pasti atau mahasiswa belum bersedia keluar 'memberi' sesuatu

kepada masyarakat?

Hakikatnya, mahasiswa adalah aset masyarakat dan negara. Oleh itu, mahasiswa perlu membentengi diri daripada dipukul arus deras hedonisme dan penyembahan ideologi yang tidak jelas matlamatnya.

## Pencerahan ilmu

Mahasiswa perlu disuntik dengan tenaga yang berterusan bersama-sama pil kesedaran berteraskan ilmu agama dan akademik yang menjurus kepada bidang kepakaran masing-masing.

Ledakan untuk menimba ilmu jika tidak dilengkapi dengan pencerahan ilmu adalah seperti Gurun Sahara yang kering-kontang. Ia adalah asas penting dalam proses pembudayaan ilmu dan perjuangan akal.



Dalam perjuangan akal hendaklah ditanam dengan ilmu yang bermanfaat bak kata pepatah Melayu, ilmu itu penyuluh kehidupan. Oleh itu, mahasiswa tidak akan berupaya menongkah arus cabaran yang mendatang dengan tangan kosong.

Oleh itu, mahasiswa memerlukan 'bekalan' yang cukup. Pertama, mendidik atau membentuk hati menjadi ikhlas dalam setiap perbuatan. Firman

Allah SWT yang bermaksud: "Katakanlah: sesungguhnya sembahyangku, ibadahku, hidupku, dan matiku hanyalah untuk Allah, Tuhan semesta alam," (Surah Al-An'am, ayat 162).

## Graduan holistik

Kedua, ilmu dan kefahaman. Dalam konteks ini, ilmu diibaratkan sebagai bahan bakar manakala kefahaman pula bahan yang dibakar untuk dipasarkan dalam bentuk praktikal

atau amal. Bak kata pepatah Arab yang menyebut, *ilmu tanpa amal ibarat pohon tanpa buah*.

Aspek paling penting ialah membina moral dan akhlak yang baik. Mahasiswa yang berjaya dalam akademik tetapi rosak akhlaknya tidak akan berupaya membawa negara ke mana-mana, apatah lagi

“  
LEDAKAN UNTUK  
MENIMBA ILMU  
JIKA TIDAK  
DILENGKAPI  
DENGAN  
PENCERAHAN ILMU  
ADALAH SEPERTI  
GURUN SAHARA  
YANG KERING-  
KONTANG”

menyokong usaha membentuk masyarakat maju pada tahun 2020 dan menjadi graduan holistik.

Jika ketiga-tiga aspek ini diintegrasikan, mahasiswa boleh berperanan sebagai tulang belakang bagi membina negara dalam segenap aspek termasuk agama, politik, sosial dan ekonomi.

Mahasiswa yang berminat untuk menghantar rencana, boleh e-mel ke [bhvarsiti@bh.com.my](mailto:bhvarsiti@bh.com.my)